

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Exercitatio theologica de fragrantia Christi quam ex 2.
epist. ad Corinth. 2, 15.16**

**Buddeus, Johann Franz
Naumann, Tobias Gottfr.**

Ienae, 1712

VD18 11426357-001

§. VIII.

[urn:nbn:de:bsz:31-130634](#)

to, victimae adulitae sic appellabantur; non quod proprie id nomen ipsis conueniret, sed quod substituerentur, pro eo sacrificio, quod D^O gratum est, & quod Deo placeret fides, nitens eo sacrificio, & confessio gratiae D^EI, & glorificatio Nominis eius. Tametsi enim victimae darent odorem, aut nitorem, tamen non erant Deo odor acquiescentiae, & placationis irae (nisi ipse Messias hoc praestiterit,) est enim ריח ניחוח propriety odor faciens quiescere iram D^EI.

§. VIII. Ab hominum moribus, haec desumpta phrasis, ad Deum applicata est. Nihil quippe hominum animos, magis turbat, & commouet, quam ira, adeo, ut totos eos reddat inquietos, & turbulentos. Ira & vindictae cupidio incitant & stimulant animum, sine intermissione, ad viam & modum, vlciscendi laes ionem indagandum, ne malum illatum incas sum ferat. Quando autem homo placatur, & reconciliatur, desinit status antea satis turbulentus, ut nunc, quem alias taedio fugit, beneplacito suscipiat. In Deo quidem, nulla est perturbatio, nullaque datur αταξία; secundum nostrum tamen concipiendi modum, phrasis a

B 2 moti-

motibus & affectibus hominum petita , ad Deum applicatur, remota omni imperfectione, quam alias inuoluere solet. Nam quando Deo ira tribuitur , nullam in eo designat mutationem, quippe qui semper , & in infinitum unus idemque est, ac manet. Quidnam vero Spiritus S. hisce locutionibus indicare voluit ? Gaudium puta iustitiae diuinae, vindicandi impietatem, quo peccatores istam offenderunt, & alacritatem in infligendis suppliciis. Id vel ex *Deut. XXIX. 63.* apertissime constat, vbi gaudium perdendi immorigeros, opponitur gaudio beneficiandi. Hinc saepius vbi de ira sermo est, additam statim inuenies, explicationis gratia, mentionem de vltione. vid. *Nab. I. 2. AVGSTINVS:* *

Cum DEVS irasci dicitur, non eius significatur perturbatio, qualis est in animo irascentis hominis; sed ex humanis motibus translato vocabulo, vindicta eius, quae non nisi iusta est, irae nomen accepit. Ita DEVS non dicitur ab ira quiescere, quemadmodum homines, sed modo, qui Deum decet, hoc intelligendum est; idem est, ac si dixisset, vindictam exsequi desistit, & poenas

* In Enchiridio ad Laurent. c. 33.

poenas infligere cessauit, irae loco gratiam exhibet, & oblectatur nunc iis, quos alias tanquam hostes propellebat. Id quod vterius patet, quando DEVS in contrarium testatur *Leu. XXVI. 31.* odorem vestrae fragrantiae, non odorabo, i. e. eis non oblector, non accipiam, neque gratiam exhibeo.

§. IX. De praedicatione euangelii eiusque ministerio, per quod Iesus crucifixus, cum merito & reconciliatione peccatorum cum Deo irato, manifestatur, quod sit ἐυαγγελία χριστοῦ, Christi fragrantia bona Deo, odor nempe suavitatis, gratus & acceptabilis, Paulus loquitur *II. Cor. II. 15.* ἐυαγγελία ἐσμέν τῷ Θεῷ ἐν τοῖς σωζομένοις καὶ ἐν τοῖς απολλυμένοις. διεμέν, ὅσμη θανάτου εἰς θάνατον. οἵς δὲ ὅσμη ζωῆς εἰς ζωήν. Christi sumus fragrantia Deo, in iis qui saluantur & in iis qui pereunt. His quidem odor mortis ad mortem: illis vero odor vitae ad vitam. Nulla e Paulinarum epistolarum numero certe datur, in qua articulum de euangelii doctrina eiusque ministerio, fusius & solidius, tanquam in propria sua sede tractet apostolus, quam haec posterior ad Corinthios scripta. In